

# Lady Saw, Man Is The Least

A wonda weh some gal a study roun here?  
Si dem a argue ova man weh dem a share.  
Sit dung an a worry bout weh nex gal a wear

An nuh si seh dem need fi do dem hair.  
Di kind a life mi si dem living roun here.  
Some time mi sorry fi di stress weh dem a bear.  
But hot gal from yuh conscience clear  
Sing dah one yah loud mek mi hear.

Man a di least a mi problem  
So mi lef eediat fi hav dem  
Mi too cute fi in a mix up an blend, blend  
So tel a gal shi fi go wid har argument  
Mi stress free cah mi nuh in a excitement  
Dem gi weh free but nuh man nuh deh beside dem  
Some gal a hype an mi hear seh man a hide dem,  
nah nuh pride gal dem,  
nuh hot man nuh ride dem cho!

Mi too rich fi argue wid bitch  
Mi too nice fi in a cockfight  
Mi too hot an a dat gal nuh like  
dem a everybody sinting mi a wife!  
When mi go shopping mi nuh look pon di price  
Weh gal a struggle fah fi get mi get it in a one night  
Ova book right now and mi hadly a voice  
Come off a mi name gal mi nice!

Man a di least. Man a di least mi drive dem like jeep.  
Park dem up til mi ready now isnt dat neat?  
Man a weep tru wi hav dem weak.  
Its my way or no way afta mi a nuh eediat lily  
Mi hav houses and cars and cuban cigars  
Mi get date wid lawyers and big movie stars  
Mi gynaecologist seh him want mi an him spar  
Mi seh easy now don u ah tek it too far!

Mi worry bout di coming of God  
Not di coming of man  
Worry how fi mek mi self one a di chosen ones  
Mi nuh worry bout gal weh a look mi husband  
Who mi worry ova man? No yuh wrong.  
Excess baggage mi nuh carry  
So tell a gal bout mi seh shi nuh haffi worry  
If a mi fi tek har man fi har name go mention  
Dat deh day deh nah go come gal mi sorry!